



Broj: 12/08-23-4767-7/22
Zenica, 20.05.2022. godine

Na osnovu člana 69. stav (2) tačka e) i člana 70. Stav (1), (4) i (6) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-23-4767-6/22 od 16.05.2022. godine, u otvorenom postupku javne nabavke za radove broj: 1417-1-3-10/22 od 25.03.2022. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o poništenju postupka javne nabavke u otvorenom postupku

I

Poništava se postupak javne nabavke radova - „Modernizacija dijela ceste kroz vikend naselje Ponijeri na regionalnoj cesti R-466 Kakanj-Kraljeva Sutjeska-Ponijeri”, broj: 1417-1-3-10-3-16/22 od 25.03.2022. godine, u skladu sa članom 69. stav (2) tačka e) Zakona o javnim nabavkama BiH, jer su cijene svih prihvatljivih ponuda znatno veće od osiguranih sredstava za predmetnu nabavku.

II

Ponuda ponuđača „MGV gradnja“ d.o.o. Zavidovići se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

III

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

IV

Ova odluka stupa na snagu danom donošenja i zajedno sa Zapisnikom o pregledu dokumenata iz člana 45. stav (2) i dokumenata iz člana 47. Zakona o javnim nabavkama BiH („Službeni glasnik BiH“ broj: 39/14) dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-4767/22 od 24.03.2022. godine.

Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-10-3-16/22 objavljeno je na Portalu javnih nabavki 25.03.2022. godine.

Komisija za javne nabavke imenovana rješenjem broj: 12/08-23-4767-4/22 od 25.04.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristigle su 4 (četiri) ponude.

U periodu od 26.04.2022. godine do 13.05.2022. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača „MGV gradnja“ d.o.o. Zavidovići se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije, odnosno jer dostavljeni dokumenti za ocjenu tehničke i profesionalne sposobnosti po sadržaju ne odgovaraju uslovima iz tačke 12.6.1. a) tenderske dokumentacije.

Preostale pristigle ponude, ispunjavaju postavljene uslove, te je za 16.05.2022. godine zakazano provođenje e-aukcije, koja je uspješno okončana, te je formirana konačna rang lista ponuđača u skladu sa tačkom 23. tenderske dokumentacije, kako slijedi:

Rbr	Ponuđač	Ukupna cijena ponude bez PDV-a
1.	ADO-TRANS d.o.o. Visoko i ŠPIC BETON d.o.o. Zenica	1.154.293,25 KM
2.	TRGOŠPED d.o.o. Kakanj	1.168.483,25 KM
3.	JATA GROUP d.o.o. Srebrenik	1.274.292,25 KM

Nakon provedene e-aukcije i sačinjene rang liste, Komisija je jednoglasno predložila ugovornom organu da donese Odluku o poništenju postupka javne nabavke, broj: 1417-1-3-10/22 od 25.03.2022. godine, u skladu sa odredbama člana 69. stav (2) tačka e) Zakona o javnim nabavkama („Službeni glasnik BiH, broj: 39/14), kojom je utvrđeno da je „ugovorni organ obavezan poništiti postupak javne nabavke u slučaju da cijene svih prihvatljivih ponuda znatno su veće od osiguranih sredstava za predmetnu nabavku“.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda sa prilogima

Dostavljeno:

4 x svim ponuđačima,
1 x a/a

Saglasan: **ARNEL ISAK**, ministar

Obradio:
Elmedin Bašić

DIREKTOR
po ovlaštenju ministra

(**Rasim Kovač**)